



Аллагыны Югъангъа йиберген вагыйи

Яшавуну артдагы он йылдан да артыгъын Югъан Исаны якъчыларыны Эфеседеги жыйынына къуллукъ этивге багъышлагъан. Шо заман Румда Домициан деген пача гъакимлик эте болгъан. О оъюне Аллагъа йимик гъюрмет этмекни талап этген ва Исагъа иман салгъанланы рагъмусуз кюйде гъызарлап юрюген. Гъызарлавагъа элчи Югъан да тарыгъан: о Патмос деген атавгъа сюрюген этилген. Тап шонда огъар Аллагъдан айрыча хабар йиберилген. Шо хабарны язып, огъар «Вагыйи» деп ат такъгъан. Бу китапда берилген хабар, биринчилей, Исаны Гиччи Азиядагы якъчыларыны жыйынылары учун язылгъан болгъан. Оъюню бютюн маънасы булан «Вагыйи» гъызарлав ва азап чегив гюнлеринде иманлылары кьаттылыкъгъа чакъыргъан.

Китапда Исаны якъчыларыны жыйыныларына кирген ялгъан устазлардан сакъ турмакны гъакъында да айтылгъан. «Заманлыкъгъа гъызарлавагъа тарып турагъан Исаны якъчыларыны жыйыныны ахыры не болар экен?» — деген бек агъамиятлы сорав гъызарланагъанлагъа яллыкъ бермей тургъан. Китап шо соравгъа жавап бере: Аллагъа кьаршы баш гетергенлерден Иса Месигъ толу кюйде устыюн чыгъып токътажакъ. О Пачаланы да Пачасыдыр ва гъакимлик этегенлени де Раббисидир.

Югъанны китабы Исагъа иман салгъанланы кьайсы девюрдегилери учун да оъюню агъамиятлыгъын тас этмей. Китап олагъа озлени душман гетерген ва гъызарлавагъа тарыгъан девюрлерде маслагъатчысы ва якъчысы болуп токътай. Югъандан таба биз оъюне ортакъчы болагъан хабарны кюрчюсю болуп Иса Месигъ токътай. О бу дюньягъа бирдагы керен гележек, энни Устыюн Чыгъывчу болуп. Китап шолай вагъа булан тамамлана: «Дюр, Мен ювукъда гележек-мен» (22:20).

*Исагъа иман салгъанланы Етти шагъардагъы
жыйынларына салам*

1 ¹Бу китап Иса Месигъни хабарыдыр. Ювукъ заманда болмагъа герекли агъвалатланы Оьзюню къуллукъчуларына билдирсин деп, Аллагъ Огъар бу вагъийни йиберди. О да муну йиберген малайигинден таба магъа — Оьзюню къуллукъчусу Югъангъа билдирди. ²Аллагъны каламыны ва Иса Месигъ айтгъанны шагъаты болгъан Югъан да оьзю гьрген ва эшитген затланы гъакъында гъали шагъат гъисапда айта тура. ³Бу пайхаммарлыкъ сьзлени охуйгъан ва мунда язылгъан затланы кютеген насиплидир, неге тюгюл ахыр заман ювукълашып геле тура.

⁴⁻⁵ Исагъа иман салгъанланы Асия вилаятындагъы етти шагъардагъы жыйынына мен Югъандан салам. Бар болгъан, гъали де Бар ва энниден сонг да Болажакъдан, Ону тахыны алдындагъы етти ругъдан, оьлюлени арасындан биринчи болуп тирилген ва дюньядагъы бары да пачаланы да уьстюнде болгъан герти шагъат Иса Месигъден сизге рагъму ва паракхатлыкъ болсун. О бизин сую ва Оьзюню тьгюлген къаны булан бизин гюнагъларыбыздан азат этди. ⁶Иса Оьзюню Аллагъына ва Атасына къуллукъ этмек учун, бизден Оьзюню халкъын — дин къуллукъчуларына яратды. Гъар даим де гъар макътавлар ва къудрат Онукидир! Амин.

⁷Къарагъыз! О булутлар булан бирче гележек. Барысы да, Огъар чанчгъанлар да, Ону оьз гьзлери булан гьрежеклер. Дюньяны бары да халкълары Огъар яс этип йылажакълар. Бу затлар гертилей де шолай болажакъ! Амин.

⁸ Бар болгъан, гъали де Бар ва энниден сонг да Болажакъ, бары да затны Еси болгъан Раббиз Аллагъ:

— Алфа ва Омега* Менмен, — дей.

Патмос атавда Югъан Исаны бир гьрюнюнде гьре

⁹ Мен сизин иман къардашыгъыз Югъанман. Исаны якъчыларыны бири гъисапда сизин булан бирче азап чегивде, сабурлукъда ва Исаны гъакимлигини тюбюнде ортакъчы болгъанман. Аллагъны каламыны ва Исаны гъакъында шагъатлыкъ этгеним учун, Патмос деген атавда сьргюнде турдум. ¹⁰Раббизни гюнюнде** Аллагъны Ругъуну гъайран къудратын сездим. Шо гъалымда артымдан таба сьрден чыгъагъанда йимик гючлю бир тавуш эшитдим. ¹¹Шо тавуш магъа:

— Гьреген затларынгни китапгъа яз ва шоланы Исагъа иман салгъанланы жыйынлары булангъы етти шагъаргъа: Эфесге, Измирге,

* 1:8 *Алфа ва Омега* — грек алифбасыны биринчи ва ахырынчы гъарпларыны атлары.

** 1:10 *Раббизни гюню* — демек, къаттыгюн.

Пергамгъа, Тиатирге, Сардыгъа, Филадельфиягъа ва Лаодикиягъа йибер, — деп айтды.

¹² Магъа сьйлеген тавушгъа багъып бурулуп къарап, мен етти алтын шамчыракъны гьрдюм. ¹³Шо шамчыракъланы ортасында Инсанны Уланына ошайгъан бирев бар эди. Ону уьстюнде ерге тиеген узун аба-сы, тьшюне ерли байлангъан алтын байлаву бар эди. ¹⁴Ону башы ва тюклери акъ юн ва къар йимик акъ эди. Гьзлери де янагъан от йимик эди. ¹⁵Аякълары мечде къыздырылгъан багъырдай, тавушу да чалт агъагъан сувну агъымыдай эди. ¹⁶Онг къолунда етти юлдуз бар эди, авзундан да эки де яны итти бир къылыч чыгъып геле эди. Бети шавла-лы гюнеш йимик ярлыкъ бере эди.

¹⁷ Ону гьргенде, оьлген гишидей болуп, мен Ону аякъларына къапландым. Онг къолун мени уьстюме салып, О булай айтды:

— Къоркъма! Биринчи, Ахырынчы ¹⁸ ва Яшав болгъан Менмен. Мен оьлген эдим, муна къара, гъали Мен даимге савман! Ахыратны да, оьлюмю де ачгъычлары Менде. ¹⁹Мунда сен гьрген затларынгни — болуп турагъан ва болажакъ затланы язып ал. ²⁰Мени къолумда сен гьрген етти юлдузну ва етти де шамчыракъны сыры булай: етти юлдуз Исагъа иман салгъанланы жыйынларыны етти малайигидир, етти де шамчыракъ буса шо етти де жыйынлардыр.

Башлапгъы сюювюн унутгъан жыйынгъа

2 ¹О булай айтды:

— Исагъа иман салгъанланы Эфес шагъардагъы жыйыныны малайигине яз:

Онг къолунда етти юлдузну тутуп, етти алтын шамчыракъны арасында айланагъан булай дей: ²Сени ишлеринг, къасткъылып чалышывунг ва сабурлугъунг Магъа белгили. Яман адамлагъа къаршы экенингни, оьзлер элчилербиз деп алдатагъанланы тергеп, олар ялгъанчылар экени токъташдырагъанынгни Мен билемен. ³Мени атымны макътап юрюгенинг саялы къыйынлыкълагъа тарыгъанынгни, амма бошاپ токътамагъанынгни Мен билемен.

⁴Амма Мени сагъа къаршы бир затым бар: сен оьзюнгю башлапгъы сюювюнгю къойдунг. ⁵Къайсы бийикликден тюшгенингни эсге ал! Товба эт ва башда этегенингни этип тур. Эгер сен товба этмесенг, Мен гелип, сени шамчырагъынгни еринден тайдырарман. ⁶Николайны якъчыларыны ишлерин гьрюп ярамайгъанынг буса тюз. Оланы ишлерин Мен де гьрюп ярамайман.

⁷Къулагъы барлар Исагъа иман салгъанланы жыйынларына Аллагъны Ругъу сьйлейгенни эшитсинлер! Уьстюн гелгенге Аллагъны бавундагъы яшав береген терегини емишинден ашамагъа изну бережекмен.

Азап чегивде кьатты турагъан жыйынгъа

⁸ – Исагъа иман салгъанланы Измир шагъардагъы жыйыныны малайигине яз:

Оъюп, кьайтып янгъдан Тирилген, Биринчи ва Ахырынчы болгъан булай дей: ⁹ Сен чекген азапланы ва тарчыкылыгъынгни билемен. Буса да сен байсан! Оьзлер ягъудилербиз деп, сени яманлайгъанланы таныйман. Олар ягъудилер тююл, иблисни тайпасындан болгъанлар. ¹⁰ Чекмеге тюшежек азаплардан кьоркъма. Сиз сыналсын деп, бирлеригизни иблис туснакыгъа салажакъ ва сиз он гюнню узагъында азап чегип туражакъсыз. Амма оьлгюнчеге кьатты кюйде туругъуз, Мен сизге уьстюнлюкню тажыдай яшав бережекмен. ¹¹ Къулагъы барлар Исагъа иман салгъанланы жыйынларына Аллагъны Ругъу сёйлейгенни эшитсинлер! Уьстюн гелген гиши экинчи оьлюмден гьеч бир зарал гёрмежек.

Ялгъан уьйретивлерден уьст гелип болмагъан жыйынгъа

¹² – Исагъа иман салгъанланы Пергам шагъардагъы жыйыныны малайигине яз:

Оьзюнде эки де яны гесеген кьылычы булангъы булай дей: ¹³ Сен иблис тахын салгъан ерде яшайгъанынгны билемен. Шогъар да кьарамайлы, сен Мени атыма амин турасан. Антипаны гюнлеринде де сен Магъа бакъгъан якъдагъы иманынгдан тайышмай турдунг. Антипа буса Мени инамлы шагъатым. О иблисни ожагъы болгъан сени шагъарынгда оьлтюрюлдю. ¹⁴ Буса да Мени сагъа кьаршы айтмагъа бир нече затым бар: сизин арагъызда Балам уьйретеген ёлну юрютеген адамлар бар. О оьз заманында Балакыгъа Исрайылны халкыын гюнагъ ишлер этдирмеге уьйретген. Балам оланы ялгъан аллагъагъа деп союлгъан кьурбан этни ашамагъа ва зиналыкъны ёлунда юрюмеге уьйретген. ¹⁵ Шону булан бирге сизин арагъызда Николайны якъчылары уьйретеген ёлну юрютегенлер де бар. ¹⁶ Шону учун товба эт! Ёгъесе, узакъ кьалмай сени янынга гелермен ва авзумдагъы кьылычым булан олагъа кьаршы ябушарман.

¹⁷ Къулагъы барлар Исагъа иман салгъанланы жыйынларына Аллагъны Ругъу сёйлейгенни эшитсинлер! Уьстюн гелгенге Мен сырлы манна* бережекмен. Огъар бир акъ таш да бережекмен. Ону уьстюне янгы ат язылар ва бу атны ташны алгъан гишиден башгъа дагъы бирев де билмес.

* 2:17 *Манна* – Мусаны башчылыгы булан дангылда айланагъан исрайыллылагъа Аллагъ йиберген азыкъ, рызкы.

Адашылагъа ёл кьоягъан жыйынгъа

¹⁸ – Исагъа иман салгъанланы Тиатир шагъардагъы жыйыныны малайигине яз:

Гёзлери янагъан от йимик ва аяклары кьыздырылгъан багъыр йимик болгъан Аллагъны Уланы булай дей: ¹⁹ Сени ишлерингден, сюювюнгден, иманынгдан, кьуллукъ этивюнгден ва сабулругъунгдан Мени хабарым бар. Башлап этгенлерингден эсе, сен гъали артыкъ этегенингни де билемен.

²⁰ Буса да Мени сагъа кьаршы айтмагъа бир затым бар: сен Изабел деген аты булангъы, оьзю пайхаммарман деп айтагъан кьатынгишиге чыдап турасан. Бу кьатын, Мени кьуллукъчуларымны зиналыкъны ёлунда юрюме, ялгъан аллагъагъа деп союлгъан кьурбан этни ашама уьйретип, оланы адашдырып тура. ²¹ Товба этсин деп, мен огъар заман бердим. О буса, зиналыкъын кьуюп, товба этмеге сюймеди. ²² Шону учун Мен ону ятывгъа саларман. Ону булан бирге зина этегенлер де, огъар кьошулуп шо ёлда юрюгени учун, товба этмей тургъан чакъы заман азап чегип турар. ²³ Ону яшларын оьлтюрюп ёкъ этермен. Мен инсанны гьакъылындагъын ва юреклериндегин билегенимни Исагъа иман салгъанланы барысы да билер. Мен сизин гьар-биригиз этген ишигизге гёре тийишлисин берермен.

²⁴ Тиатирдегилени кьалгъанларына – бу ёлну юрютмейгенлеге ва иблисни «терен сырлары» деп айтылагъан затны кьабул этмегенлеге айтаман: Мен сизин уьстююзге дагъы башгъа авур намус салмажакъман.

²⁵ Амма Мен гелгинче, оьзююзде бар затны сакълап туругъуз.

²⁶⁻²⁸ Буюргъан бары затларымны ахырына ерли кютюп, уьстюнлюкню алгъан адамгъа Мен халкъланы уьстюндеги гьакимликни бережекмен. Мен шолай гьакимликни Оьзюмню Атамдан алдым. Шо халкъланы О кьолунда темир таягъы да булан сакълажакъ – оланы, чыны савутланы йимик, уватып хум-хуватын чыгъаражакъ! Уьстюн гелгенге тангчолпаны да бережекмен.

²⁹ Къулагъы барлар Исагъа иман салгъанланы жыйынларына Аллагъны Ругъу сёйлейгенни эшитсинлер!

Уянма тарыкъ болгъан жыйынгъа

3 ¹ О булай айтды:

– Исагъа иман салгъанланы Сарды шагъардагъы жыйыныны малайигине яз:

Оьзюнде Аллагъны етти ругъу ва етти юлдузу булангъы булай дей: Мен сени ишлерингни билемен. Сен сав дейлер, амма сен оьлгенсен.

² Уян! Сенде кьалып турагъан ва оьле турагъан затланы беклешдир.

Сени ишлеринг Аллагыым гөрмеге сюеген кюйде яхшы тююл деп эсиме гелмей. ³Не алгынынгни ва не эшитгенингни эсге ал, тынглаву бол ва товба эт. Амма уянамсанг, бир уручу йимик гелип кьаларман ва кьачан гелегенимни билмей кьаларсан.

⁴Амма сени Сардыда опуракьларын дамгьаламагьан адамларынг да бар. Олар Мени булан бирге акь гийимлер гийип юрюжеклер, неге тююл олар шотай болмагьа лайыкьлыдыр. ⁵Уьстюн гелген де шотай акь гийимлер гиежек. Яшав китабындан Мен ону атын бир заманда да бузуп тайдырмасман. Атамны ва Ону малайиклерини алдында о гишини атына мюкюрлюк этермен.

⁶Кьулагьы барлар Исагьа иман салгьанланы жьыйнларына Аллагьны Ругьу сьейлейгенни эшитсинлер!

Чыдамлыгьын тас этмеген жьыйынгьа

⁷— Исагьа иман салгьанланы Филадельфия шагьардагьы жьыйыныны малайигине яз:

Сыйлы ва Гьакь болгьан, Оьзюнде Давутну ачгьычы булангьы булай дей: О ачгьанны бирев де бегитип болмас, О бегитгенни бирев де ачып болмас. ⁸Мен сени ишлерингни билемен. Кьара чы, бирев де бегитип болмажакь эшиклени муна Мен сени алдында ачдым. Неге тююл де, сени гючюнг аз буса да, сьэюме тынгладынг ва атымны инкар этмединг. ⁹Мен иблисни бирлешивюнден болгьанланы, сизин яныгьызгьа да гелип, сизге баш урмагьа борчлу этермен. Олар оьзлени ягьудилербиз деп гьисаплай, амма гьакьыкьатда олар ягьудилер тююл, олар ялгьан сьейлейлер. ¹⁰Сен чыдамлыкьда тур деген Мени буйругьумну кютдюнг. Шо саялы Мен де сени, ер юзюнде яшайгьанланы сынамакь учун бютюдюньяны уьстюне гележек сынава сагьатындан кьоружакьман.

¹¹Мен ювукьда гележекмен. Сенден уьстюнлюкню тажын бирев де чыгьарып алмасын учун, оьзюнде бар затны сакьлап тур. ¹²Уьстюн гелгенни Аллагьны ибадатханасыны орта багьанасы этермен. О ондан бир заманда да гетмес. Ону уьстюне Мен Аллагьымны атын, Аллагьымныки болгьан шагьарны — кькден, Аллагьны янындан тюшюп гелген янгы Ерусалимни атын ва Мени янгы атымны язажакьман.

¹³Кьулагьы барлар Исагьа иман салгьанланы жьыйнларына Аллагьны Ругьу сьейлейгенни эшитсинлер!

Оьз-оьзюнден сююнюп турагьан жьыйынгьа

¹⁴— Исагьа иман салгьанланы Лаодикия шагьардагьы жьыйыныны малайигине яз:

Амин, гьакь ва инамлы Шагьат, бары да затны яратгьан Аввал булай дей: ¹⁵Мен сени ишлерингни билемен, сен не сувукь, не кьайнар

тююлюнгни билемен. Я кьайнар, яда сувукь болгьанынгни нече де сюер эдим! ¹⁶Сен буса я кьайнар, я сувукь тююл, янгыз йылы экенинг саялы, Мен сени авзумдан кьусуп чыгьарарман. ¹⁷«Мен байман, кьеп зат кьазангьанман, магьа дагьы бир зат да тарыкь тююл», — дейсен сен. Амма сен барындан да талайсыз, амалсыз, пакьыр, сокьур ва ялангьач экенингни билмейсен. ¹⁸Шо саялы сагьа маслагьат этемен: бай болмакь учун, Менден отда тазалангьан алтын сатып ал; уят ерингни яшырмакь учун, акь опуракьлар сатып ал; сюртюп гьзлерингни гьереген этмек учун, гьз дарманын сатып ал. ¹⁹Сюегенлеримни Мен такьсырлап тарбиялайман. Шогьар гьере гьаракатчылыкь гьрсет ва товба эт.

²⁰Кьара чы, Мен эшик алгьа гелип токьтап, ону кьагьаман. Тавушумну эшитип, ким ачса, Мен ону янына гирежекмен. Мен ону булан, о да Мени булан бирче аш ашажакьбыз. ²¹Уьстюн гелгенге тахымда Мени булан бирче олтурмагьа ихтияр бережекмен. Уьстюн гелгенде, Мен де шотай Атам булан бирге тахында олтурдум.

²²Кьулагьы барлар Исагьа иман салгьанланы жьыйнларына Аллагьны Ругьу сьейлейгенни эшитсинлер!

Кьклердеги тах

4 ¹Сонг мен кьарап, алдымда кьклеге чыгьагьан ачылгьан эшикни гьрдюм. Сюрню сесине ошайгьан, башда да магьа эшитилген гючлю бир тавуш эшитдим. Шо тавуш магьа:

— Мунда багьып чыкь, сагьа гележекде не болажакьын гьрсетежекмен, — деп айтды. ²Аллагьны Ругьу магьа Оьзюню гьайран кьудратын сездирди. Кьклерде мени алдымда бир тахны ва онда олтургьан Биревню гьрдюм. ³Тахда Олтургьанны гьрюнюшю яшыл ешим ва кьызыл якьут кьыйматлы ташлар йимик йыртыллай эди ва тахны айланасында зумрутдай энемжакь бар эди. ⁴Бу тахны айланасында дагьы да йигирма дьрт тах бар эди, оларда да йигирма дьрт тамаза олтургьан эди. Оланы уьстюнде акь гийимлери ва башларында алтын тажлары бар эди. ⁵Баш тахдан таба кьк кькюреп, яшмын яшнап, гючлю сеслер эшитиле эди. Тахны алдында янагьан етти ялын бар эди. Олар Аллагьны етти ругьу эди. ⁶Дагьы да ону алдында не буса да бир таза шишагьа, денгизге ошагьан зат тьгюле эди.

Тахны лап ортасында ва айланасында дьрт жанлы зат токьтагьан эди. Оланы ал ва арт якьларында кьеп гьзлери бар эди. ⁷Биринчи жанлы зат арсланкьаплангьа, экинчи жанлы зат танагьа, уьчюнчю жанлы затны юзю инсанны юзюне, дьртюнчю жанлы зат кьаракьушгьа ошай эди. ⁸Дьрт де жанлы затны гьарисини алтышар кьанаты ва кьеп гьзлери бар эди. Оланы гьзлери бары да якьларында, гьатта кьанатларыны тюбюнде де бар эди. Олар гечеси-гюню булан гьеч бир токьтавуз булай сьейлеп тура эдилер:

– Бар болган, гъали де Бар ва энниден сонг да Болажакъ,
бары да затны Еси болган Раббиз Аллагъ
сыйлы, сыйлы, сыйлыдыр!

⁹ Бу жанлы затлар тахда Олтургъангъа ва гъар даим Яшайгъангъа
макътав, гъюрмет ва шюкюрлюк этип къачан сёйлесе де, ¹⁰ йигирма
дёрт де тамаза гъар гезик, тахда Олтургъанны алдында баш уруп, гъар
даим Яшайгъангъа сужда эте. Олар, оьзлени тажларын Ону алдына са-
лып, булай дейлер:

¹¹ – Я Раббиз ва Аллагъыбыз!
Макътавлукъгъа, гъюрметге ва къудратгъа лайыкълы Сенсен.
Неге тююл де, бары да затны Сен яратдын.
Сен сюйген кюйде бары да зат бар болду ва бары да зат
яратылды.

Мюгюрлю китап ва Къозу

5 ¹ Сонг мен тахда Олтургъанны онг къолунда эки де ягъына язылып
ва етти мюгюр басылып бегетилген бир китапны гёрдюм.

² – Китапны ачамагъа ва ону мюгюрлерин тайдырмагъа ким ла-
йыкълыдыр? – деп къычырыкъ тавуш булан сорагъан гючлю бир ма-
лайикни гёрдюм. ³ Амма не кёкде, не ерде, неде ерни тюбюнде китап-
ны ачып, ичине къарап болган бирев де ёкъ эди. ⁴ Мен кёп йыладым,
неге тююл китапны ачып, ону ичинде не бар экенине къарамагъа ла-
йыкълы болагъан бирев де табулмады. ⁵ Шо заман тамазалардан бири
магъа:

– Йылама! Къара чы, муна устьюн гелген, Ягъуданы къавумундан
болган Арсланкъаплан, О Давутну наслусудур. Етти мюгюрлю бу ки-
тапны О ачып болажакъ, – деп айтды.

⁶ Мен айланасын дёрт жанлы зат къуршагъан тахны ва тамазаланы
арасында къурбан этилген йимик Къозуну гёрдюм. Къозуну етти мюю-
зю ва етти гёзю бар эди. Олар бютюн дюньяны гъар ерине йибериленген
Аллагъны етти ругъу эди. ⁷ О гелип, тахда Олтургъанны онг къолундан
китапны алды. ⁸ О китапны алгъанда, дёрт де жанлы зат ва йигирма
дёрт тамаза Къозуну алдында баш урдулар. Оланы гъарисини къолунда
бирер къомузу ва ичи арив ийисли отдан толгъан бирер алтын савуту
бар эди. Шо арив ийисли отлар Аллагъны халкъыны дуалары эди. ⁹ Олар
янгы бир йыр булан булай айтдылар:

– Китапны алып, ону мюгюрлерин тайдырмагъа лайыкълы
Сенсендир.
Неге тююл де, Сен оьлтюрюлдюнг ва Оьз къанынг булан Ал
лагъ учун гъар халкъны, гъар къавумну, гъар тилде
сёйлейгенлени ва гъар миллетни адамларын къутгъардын.

¹⁰ Аллагъыбызгъа къуллукъ этмек учун, Сен олардан Оьзюнню
халкъынгни – дин къуллукъчуларынгны яратдын. Олар
дюньяда гъакимлик этип туражакълар.

¹¹ Сонг къарап, кёп санавда малайиклени тавушларын эшитдим. Ма-
лайиклер минглер булан бар эди, оланы санавун да токъташдырмагъа
къыйын эди. Олар тахны, жанлы затланы ва тамазаланы къуршап алып,
гючлю тавуш булан булай йырлайгъанын эшитдим:

¹² – Къурбан этилген Къозу лайыкълыдыр.
Гъакимликге, байлыкъгъа, гъакъылгъа, къудратгъа, гъюрметге,
макътавгъа ва алгъышгъа лайыкълы Одур!

¹³ Сонг мен кёкдеги, ердеги, ерни тюбюндеги, денгиздеги – бары да
ерлердеги бютюн жанлы махлукъну булай йырлайгъанын эшитдим:

– Тахда Олтургъангъа ва Къозугъа гъар даим де алгъыш ва
гъюрмет, макътав ва къудрат болсун!

¹⁴ Дёрт де жанлы зат:

– Амин, – деп айта эдилер. Тамазалар да баш уруп сужда этдилер.

Етти мюгюр

6 ¹ Къозу етти мюгюрден бирин тайдыргъанын гёрдюм. Сонг дёрт
жанлы затны бириси кёк кёкюрегендей гючлю тавуш булан:

– Гел! – дегенин эшитдим. ² Къарагъанда, алдымда акъ атны гёр-
дюм! Шо атгъа минген атлыны къолунда жаясы бар эди ва огъар таж
берилген эди. Устьюн гелмек учун, О устьюнлюкню алывчу гысапда
чыкъды.

³ Къозу экинчи мюгюрню тайдыргъанда, экинчи жанлы затны:

– Гел! – деп айтгъанын эшитдим. ⁴ Сонг башгъа бир ат, гюрен ат
чыкъды. Шо атгъа минген атлыгъа уллу бир къылыч ва дюньяда инсан-
лар бир-бирин оьлтюрюп, оланы паракхатлыкъдан магърюм этмек учун
гюч берилген эди.

⁵ Къозу уьчюнчю мюгюрню тайдыргъанда, уьчюнчю жанлы затны:

– Гел! – деп айтгъанын эшитдим. Къарап, бир къара ат гёрдюм. Шо
атгъа минген атлыны къолунда мизан терезелер бар эди. ⁶ Сонг дёрт де
жанлы затны арасындан гелеген тавушну эшитдим. Шо тавуш:

– Бир гюнлюк алапагъа – бир увуч будай, бир гюнлюк алапагъа да –
уьч увуч арпа, тек зайтун майгъа да, чагъыргъа да зарал этмессен! –
деп сёйледи.

⁷ Къозу дёртюнчю мюгюрню тайдыргъанда, дёртюнчю жанлы затны
тавушун эшитдим. О:

– Гел! – деп айтды. ⁸ Къарагъанда, бир жийрен ат гёрдюм. Шо атгъа
минген атлыны аты Оьлюм эди, ону арты булан ахырат да геле эди. Ола-
гъа ерни дёрт пай этгенде бир пайыны уьстюнде гъакимлик берилген

эди: кылыч булан, ачлыкъ булан, оylum гелтиреген таун аврув булан, кыр жанлар булан ольтюрмеге болсун деп.

⁹Къозу бешинчи мюгюрню тайдырагъанда, кърбанлыкъны салагъан ерни тюбюнде мен Аллагъны каламы учун ва оьзлени шагъатлыгы учун ольтюрюлгенлени ругъларын гьрдюм. ¹⁰Олар:

– Гьей сыйлы ва гъакъ болгъан Есибиз Аллагъ! Дюньяда яшайгъан лагъа дуван этип, олардан къаныбыз саялы оьч алмакъ учун, дагъы да нечакъы заман токътап туражакъсан? – деп гючлю кюйде кычырдылар. ¹¹Оланы гъарисине акъ абалар берилди. Олагъа Аллагъны къуллукъчуларындан ва иман кърдашларындан оьзлер йимик ольтюрюлмеге гереклилени санаву битгенче токъталсын деп айтылды.

¹²Сонг Къозу алтынчы мюгюрню тайдырагъанны гьрдюм. Шо заман бирден гючлю кюйде ер тербенди, гюнеш, кылдан тохулгъан къап йимик, къралып гетди, ай буса къандай кызырып къалды. ¹³Гючлю ел чыкыгъанда, тереклердеги инжир тегюлегенде йимик, кекдеги юлдузлар ерге тегюлду. ¹⁴Кек чырмалып, бир тююндей болду, бары тавлар ва атавлар буса ерлеринден тербенди.

¹⁵Дюньяны пачалары, оьр къуллукълу адамлар, асгербашлары, байлар ва гъакимлер – бары да адамлар, къуллар да, азатлар да, анакълагъа ва ярланы арасына гирип яшындылар. ¹⁶Олар тавлагъа ва ярлагъа:

– Бизин устьюбюзге тюшоюз! Тахда Олтургъандан ва Къозуну къзапланывундан бизин яшырыгъыз! ¹⁷Неге тюгюл де, Оланы къзапланывуну уллу гюню гелди, огъар ким чыдамагъа болажакъ? – деп сейлей эдилер.

Мюгюрленген 144000 адам

7 ¹Мундан сонг ер юзюню дьрт де мююшюнде токътагъан дьрт малайикни гьрдюм. Не къругъа, не денгизге, не гьеч бир терекге уьфюрмесин деп, булар дюньяны дьрт де елин тутуп сакълагъан эдилер. ²Гюнтувущдан таба гьетерилип гелеген ва гъакъ Аллагъны мюгюрюкю кьолуна тутгъан башгъа бир малайикни де гьрдюм. Бу малайик къругъа ва денгизге зарал этмеге ихтияр берилген дьрт де малайикге бек кычырып булай айтды:

³– Аллагъыбызны къуллукъчуларыны барыны да мангалайларына биз мюгюр басып битгинче, я къругъа, я денгизге, я тереклеге зарал этмегиз. ⁴Сонг мен мюгюр басылып белгиленгенлени санавун эшитдим. 144000 адам мюгюрленген эди. Олар Исрайылны бары да къавумларындан чыкыгъан адамлар эди:

⁵Ягъуданы къавумундан 12000 адам,

Рубимни къавумундан 12000,

Гадны къавумундан 12000,

⁶Ашерни къавумундан 12000,

Нафталини къавумундан 12000,

Манашаны къавумундан 12000,

⁷Симеонну къавумундан 12000,

Левийни къавумундан 12000,

Иссакарны къавумундан 12000,

⁸Зебулунну къавумундан 12000,

Юсупну къавумундан 12000,

Бенияминни къавумундан да 12000 адам мюгюр басылып белгиленди.

Акъ абалар гийген санавсуз халкъ

⁹Мундан сонг къарагъанда, санавсуз даражада кеп халкъны гьрдюм. Онда гъар миллетден, гъар къавумдан, гъар халкъдан, гъар тюрюлю тиллерде сейлейгенлерден адамлар бар эди. Олар тахны ва Къозуну алдында токътагъан эдилер. Оланы устьюнде акъ абалары, кьолларында да хурма терекни бутакълары бар эди. ¹⁰Олар гючлю тавуш булан булай кычырдылар:

– Кьутгъарылыв тахда олтургъан Аллагъыбыздадыр ва Къозудадыр!

¹¹Тахны, тамазаланы ва дьрт де жанлы затны айланасында бары да малайиклер токътагъан эдилер. Олар тахны алдында баш уруп, Аллагъгъа сужда этдилер. ¹²Олар булай кычыра эдилер:

– Амин! Алгъыш, макътав, гъакъыл, шюкюрлюк, гьюрмет, гюч ва кьудрат гъар даим де Аллагъыбыздадыр!

¹³Сонг тамазалардан бири магъа:

– Акъ абалар гийген бу адамлар кимлердир? Булар кьайдан гелген? – деп сорады.

¹⁴Мен булай айтдым:

– Бийим, оьзюнг билесен.

Шо заманда о булай айтды:

– Булар шо уллу балагъдан оьтноп гелгенлер. Оьзлени абаларын жувуп, олар Къозуну къаны булан агъартгъанлар. ¹⁵Шогъар гьере олар Аллагъны тахыны алдында токътагъанлар ва Ону ибадатханасында гечеси-гюню булан Огъар къуллукъ этелер. Тахда Олтургъаны буса олар булан яшап кьалажакъ ва оланы кьоруп сакълап туражакъ. ¹⁶Олар дагъы ач болмажакълар, сувсаплыкъдан инжинмежеклер, гюн ва башгъа бир яллав оланы дагъы инжитмежек. ¹⁷Тахны ортасында токътагъан Къозу, кьойчу малларыны гъайын этегенде йимик, оланы гъайын этежек. О оланы алып юрюжек ва яшав береген сувну булакъларына элтежек. Аллагъ да оланы гьзлериндеги гъар гьзьяшны сибирип тайдыражакъ.

Еттинчи мюгьюрню тайдырылыу

8 ¹Къозу еттинчи мюгьюрню тайдыргъан заманда, кёклерде ярым сагъатгъа ювукъ шыплыкъ болуп турду. ²Мен Аллагъны алдында токътагъан етти малайикни гёрдюм. Олагъа етти сюр берилди.

³Сонг бирдагъы бир малайик гелип, къурбанлыкъны салагъан ерни янында токътады. Ону къолунда жыжымлары булангъы алтын савут бар эди. Огъар кёп от берилди. Шо от тютейгенде, анив ийис чыгъара эди. Буланы барын да о Аллагъны бары да халкъыны дуалары да булан бирге тахны алдындагъы алтын къурбанлыкъны салагъан ерни устюне салмагъа герек эди. ⁴Яллайгъан ийисли затны тютюню Аллагъны халкъыны дуалары булан бирге малайикни къолундан Аллагъгъа багъып гёттерилди. ⁵Сонг малайик, савутну алып, къурбанлыкъны салагъан ерни устюндеги ялынны тёгюп, ону толтурду ва ер юзюне багъып ташлады. Шо заман дюнъяда кёк кёкюреп, яшмын яшнап, ерлер тербенип гетди.

Етти сюр

⁶Къолларына сюрлени тутгъан етти де малайик оланы чалмагъа онгарылды. ⁷Биринчи малайик сюр чалды – ерге къан булан къатышгъан буз ва от ташланды. Ерни уьчден бир пайы, тереклени уьчден бир пайы ва гъар тюрлю яшыл отлар яллады.

⁸Экинчи малайик сюр чалды – яллайгъан тавгъа ошайгъан бир уллу зат денгизге тюшдю, денгизни уьчден бир пайы къангъа айланды. ⁹Денгизде яшайгъан бары да жанланы уьчден бир пайы оьлдю, бары да гемелени уьчден бир пайы дагъылды.

¹⁰Уьчюнчю малайик сюр чалды – оьзенлени ва булакъланы уьчден бир пайыны уьстюне кёкден чыракъдай яллайгъан бир уллу юлдуз тюшдю. ¹¹О юлдузну аты Ювущандыр. Сувланы уьчден бир пайы оьтесиз бек аччы болду. Шо аччы сувну ичип, кёп адамлар оьлдю.

¹²Дёртюнчю малайик сюр чалды – гюнешни уьчден бир пайы, айны уьчден бир пайы ва юлдузланы уьчден бир пайы дагъылгъандай болду. Оланы уьчден бир пайы къаралды, гюндюзню ва гечени де уьчден бир пайы ярыкъсыз къалды.

¹³Мен къарап турагъанда, бирден кёкню ортасында учуп барагъан къаракъушну гёрдюм. О:

– Узакъ къалмай къалгъан уьч де малайик де сюр чалажакъ. Ер юзюнде яшайгъанланы гъалына адаршай! Адаршай! Адаршай болсун! – деп къычырды.

9 ¹Бешинчи малайик сюр чалды ва мен кёкден ерге тюшген юлдузну гёрдюм. Бу юлдузгъа тюпсюз къуюну ачгъычы берилди. ²О тюпсюз къуюну ачгъанда, ондан бир уллу очакъдан йимик кёп тютюн чыкъды. Бу тютюн гюнешни ва кёкню къаралтып йиберди. ³Тютюнню ичинден кёп санавда ченгертки чыгъып, ер юзюне яйылды. Олагъа да дюнъядагъы акъырапланы гючю йимик бир гюч берилди. ⁴Олагъа ердеги гъар тюрлю отгъа ва тереклеге зиян этмек гери урулду, амма олагъа мангалайында Аллагъны мюгьюрю ёкъ адамлагъа зиян этмеге ихтияр берилди. ⁵Адамланы оьлтюрмек бу ченгерткилеге гери урулгъан эди, олагъа янгыз беш айны узагъында азап берип турмагъа ихтияр берилди. Акъырап хапгъанда, нечик азап чеге буса, адамлар шолай азап чегип турдулар. ⁶Шо гюнлерде инсанлар оьлюм ахтарып айланажакълар, амма тапмажакълар; олар оьлюмге гъасирет болажакълар, амма оьлюм олардан ари къачажакъ.

⁷Ченгерткилени гёрюнюшю урушгъа деп гъазирленген асгер атлагъа ошай эди. Оланы башларында алтын тажлагъа ошайгъан бир затлар бар эди, юзлери буса инсанны юзюне ошай эди. ⁸Чачлары къатынгишини чачларына, тишлери де арсланкъапланни тишлерине ошай эди. ⁹Оланы уьстлеринде темирдей къатты гюбелери бар эди, къанатларыны къавгъасы буса урушгъа деп тербенген ат арбаланы къавгъасы йимик эди. ¹⁰Акъырапланыкине ошайгъан къуйрукълары ва окълары бар эди. Инсанланы беш ай азап чекдирип туражакъ гючю оланы къуйрукъларында эди. ¹¹Оланы уьстюнде пача болуп тюпсюз къуюну малайиги де бар эди. Бу малайикни аты – ягъудиче Абадон, грекче буса Аполион*.

¹²Биринчи балагъ гетди, къара чы, мундан сонг дагъы да эки балагъ бар эди.

¹³Алтынчы малайик сюр чалды, мен де Аллагъны алдындагъы алтын къурбанлыкъны салагъан ерни дёрт мююзюнден гелеген бир тавуш эшитдим. ¹⁴Шо тавуш сюр тутгъан алтынчы малайикге:

– Уллу Фират оьзенни янында байланып сакъланагъан дёрт де малайикни йибер, – деп айтды. ¹⁵Шо сагъат ва гюн, ай ва йыл учун гъазирленген дёрт малайик инсанланы уьчден бир пайын оьлтюрмек учун йиберилди. ¹⁶Оланы асгеринде эки юз миллион атлы бар эди. Шоланы санавун мен оьзюм эшитдим.

¹⁷Магъа гёрюнген кюйде атлар да, атлылар да булай эди: оланы уьстюнде от-ялын йимик къызыл, авур гёк ва кюкюртдей сари тюсюлю гюбелери бар эди. Атланы башлары арсланкъапланланы башларына ошай эди. Оланы авузларындан от, тютюн ва кюкюрт чыгъа эди. ¹⁸Инсанланы уьчден бир пайы оланы авзундан чыгъагъан отдан, тютюнден ва

* 9:11 *Аполион* – демек, дагъытывчу.

кюкюртден – бу уьч де балагьдан оьлдю. ¹⁹Атланы гючю авузларында ва куйрукъларында эди, неге тюгюл де оланы куйрукълары башлары булангъы йыланлардай эдилер. Шо куйрукълары булан олар инсанлагъа зарал гелтире эдилер.

²⁰Бу балагьдан оьлмеген инсанлар товба этмедилер. Олар алда йимик, жинлеге, не гьрюп, не эшитип, не юрюп болмайгъан алтындан, гюмюшден, багъырдан, ташдан ва агъачдан этилген аллагъагъа кьулдукъ эте эдилер. ²¹Олар адам оьлтюрдени, этеген халмажчылыкълары, зиначылыкълары ва уручулукълары саялы товба этмеген эдилер.

Китабы булангъы малайик

10 ¹Сонг мен кькден тюшюп гелеген гючлю бир башгъа малайикни гьрдюм. О булутгъа чырмалгъан эди, башыны уьстюнде энемжая бар эди. Ону юзю гонешге ошай эди, бутлары буса от багъаналар йимик эди. ²Малайикни кьолунда ачылгъан гиччи бир китабы бар эди. О онг аягъын денгизни, сол аягъын буса кьуруну уьстюне басды. ³О гючлю тавуш булан кычырды; ону кычырыгъы арсланкьапланны кычырагъанына ошады. Кычырагъанда, етти кьк кькюревдей аваз болду. ⁴Етти кьк кькюревню эшитгенде, мен язмагъа онгарылдым, амма кьклерден бир тавуш магъа:

– Етти кьк кькюревню сыр этип сакълап кьой. Шону язма, – деп айтды.

⁵Денгизни де, кьуруну да уьстюне аякъларын басып токътагъан шо мен гьрген малайик онг кьолун кькге багъып гьтерди. ⁶Кьклени ва онда яшайгъанланы, ерни ва онда яшайгъанланы, денгизни ва онда яшайгъанланы Яратгъанны ва гьар даим Яшайгъанны аты булан ант этди. О булай айтды:

– Дагъы артгъа салыммажакъ! ⁷Амма еттинчи малайик сюр чалгъан гюнлерде Аллагъны сырлы хыялы толу кюйде тамамланажакъ. Шо гьакъда О Оьзюню кьуллукъчулары болгъан пайхаммарлагъа билдирди.

⁸Сонг кьклерден гелген шо тавуш магъа бирдагъы керен де:

– Барып, денгизни ва кьуруну уьстюнде токътагъан малайикни кьолундан шо ачылгъан китапны ал, – деп айтды.

⁹Мен малайикни кырыйына барып, огъар шо ачылгъан китапны магъа берсин деп тиледим. Малайик магъа:

– Ма, муну алып аша. Бу сени кьурсагъынгни аччы этежек, авзунгъа буса бал ашагъандай татли болажакъ, – деп айтды. ¹⁰Малайикни кьолундан китапны алып, мен ону ашадым. Авзум бал ашагъандай татли болуп кьалды, кьурсагъым аччылыкьдан буруп-буруп аврумагъа башлады. ¹¹Шо заман магъа:

– Сагъа дагъы да кьп халкьлагъа, миллетлеге, гьар тюрлю тиллерде сьйлейгенлеге ва пачалагъа байлавлу Аллагъны атындан сьйлемеге гьрекли болажакъ, – деп айтдылар.

Эки шагъат

11 ¹Магъа шазынгъа ошайгъан бир таякъ бердилер ва булай айтылды: – Барып, муну булан Аллагъны ибадатханасын, кьурбанлыкьны салагъан ерни оьлче ва онда ибадат этегенлени сана. ²Ибадатхананы тышдагъы абзарындагъылананы санамассан, неге тюгюл тышдагъы абзарят халкьлагъа берилген. Олар сыйлы шагъарны 42 ай таптап туражакълар. ³Мен эки шагъатыма кьудрат бережекмен ва олар кирлер де гийип, 1260 гюн Аллагъны атындан сьйлежеклер.

⁴Бютюн дюньяны Раббисини алдында токътагъан эки зайтун терек ва эки шамчыракъ шо шагъатлардыр. ⁵Эгер гьеч бирев олагъа зиян этмеге кьараса, шо шагъатланы авузларындан от чыгъып, душманланы ёкъ этежек. Олагъа зиян этмеге суйген гьар ким шолай оьлежек. ⁶Аллагъны атындан сьйлейген вакътисинде янгур явмасын деп, оланы кьклени бегитеген кьудраты бар эди. Оланы сувну кьангъа айландырагъан ва нече керен суйсе де, дюньягъа гьар тюрлю балагъланы гелтиреген кьудраты да бар эди.

⁷Олар оьзлени шагъатлыгъын толу кюйде тамамлагъан заманда, тютюсюз кьуюдан чыгъагъан кьыр жан, оланы уьстюне чабып, уьстюн гележек ва оланы оьлтюрежек. ⁸Оланы сюеклери уллу шагъарны – оланы Раббиси хачгъа илинген шагъарны орамында ташланып кьалажакъ. Бу шагъаргъа шартлы кьайдада Содом яда Мисри деп айтыла. ⁹Гьар халкьдан, гьар кьавумдан, гьар миллетден ва гьар тюрлю тиллерде сьйлейгенлерден болгъан адамлар, уьч гюн ярымны узагъында олагъа кьарап туруп, сюеклерин гьеммеге кьоймажакъ. ¹⁰Ер юзюнде яшайгъан инсанлар, оланы оьлмеклигинден сююнюп, шатланажакълар, байрам этежеклер, бир-бирине савгъатлар йибережеклер, неге тюгюл бу эки де пайхаммарер юзюнде яшайгъанлагъа кьп азап бергенлер.

¹¹Амма уьч гюн ярымдан сонг Аллагъны яшав береген рутъу шагъатланы кьаркьараларыны ичине гирди ва олар аякьгъа турдулар. Шону гьргенлени барысына да бир бек уллу кьоркьув гелди. ¹²Эки де шагъат кькден:

– Мунда гьетерилигиз, – деген гючлю тавушну эшитди. Сонг олар душманларыны гьзюню алдында, булутгъа да минип, кькге чыкьдылар. ¹³Шо вакъти гючлю кюйде ер тербенди ва шагъарны ондан бир пайы дагъылды. Етти минг адам оьлдю, кьалгъанлагъа уллу кьоркьув гелди ва олар кьклердеги Аллагъгъа макътавлар этдилер.

¹⁴Экинчи балагъ шолай битди, кьара чы, уьчюнчю балагъ буса алгъасап геле эди.

Еттинчи малайикни сюр чалыву

¹⁵ Еттинчи малайик сюр чалды – кёклерде булай кычырагъан гючлю авазлар чыкъды:

– Бютюн дюньягъа гъали Раббиз ва Ону Месигъи гъакимлик этме башлажакъ. Энни О гъар даим гъакимлик этип туражакъ!

¹⁶ Аллагъны алдында озлени тахларында олтуруп турагъан йигирма дёрт тамаза, баш уруп Аллагъгъа сужда этип, ¹⁷ булай айтдылар:

– Гъей бары да затны Еси болгъан Раббиз Аллагъ, даим Бар Болгъан, гъали де Бар!

Бютюн къудратны Озюнге алып, гъакимлик этме башлагъанынг учун, Сагъа шюкюр этебиз.

¹⁸ Имансызлар къазапландылар, гъали Сени къазапланывунгну гезиги етишди.

Оъюлеге дуван этмеге, къуллукъчуларынг болгъан пайхаммарлагъа, Сени халкъынга ва Сени атынгдан къоркъагъанлагъа – гиччи болсун, уллу болсун – тийишли гъагъын бермеге заман гелди.

Дюньяны бузагъанланы буса ёкъ этмеге вакъти етишди.

¹⁹ Сонг Аллагъны кёкдеги ибадатханасы ачылды ва ибадатханада Ону сыйлы сандыгъы гёрюндю. Яшмын яшнады, кёк кёкюреди, ерлер тербенди, гючлю буз явду.

Къатын ва аждагъа

12 ¹ Кёкде бир уллу тамаша аламат – гюнеш гийген бир къатынгиши гёрюндю. Ону аякъ тубюнде ай, башында да он эки юлдуздан тажы бар эди. ² Къатын айлы эди. Яш табагъан болжалы ювукълашып, о тулгъакъ тутуп кычыра эди.

³ Сонг кёкде бирдагъы бир аламат – етти башы, он моюзю ва гъар башында бирер тажы булангъы бир уллу кызыл ялын тюсю аждагъа гёрюндю. ⁴ Ону къуйругъу кёкдеги юлдузланы уьчден бир пайын сибирип ерге тюшюрдю. Яш тувгъандокъ, ону ашамакъ учун, аждагъа яш табагъан къатынны къаршысында токътагъан эди. ⁵ Къатын улан тапды. Шо улан, бары да халкълагъа къатгы низам салып, гъакимлик этежек. Амма яшы Аллагъны янына, Ону тахына алынды. ⁶ Къатын буса дангылгъа, озю учун Аллагъ гъазирлеген ерге къачып гетди. Онда 1260 гюнню узагъында ону гъайы этилип туражакъ.

⁷ Кёклерде дав башланды. Бир якъда Михайыл ва ону малайиклери ябушдулар, бириси якъда буса аждагъа озюню малайиклери булан дав этди. ⁸ Амма аждагъаны таман чакъы гючю етишмеди ва о малайиклери

де булан кёклерде озюню ерин тас этди. ⁹ Бу аждагъа шайтан ва иблис деп айтылагъан бырынгъы уллу йыландыр. Бютюн дюньяны алдатып тургъан бу аждагъа озюню малайиклери булан бирге ерге ташланды.

¹⁰ Шо заман мен кёклерден гючлю бир тавуш эшитдим. О булай айтды:

– Энни Аллагъыбызны къутгъарыву, къуваты булан гъакимлик этивю ва Ону Месигъини къудраты етишди.

Гечеси-гюню булан Аллагъыбызгъа бизин иман къардашларыбызны сёгюп тургъан айыплавчусу кёклерден тюшюрюлдю.

¹¹ Олар Къозуну къаны булан ва озлени шагъатлыкъ сёзю булан ондан уьст гелдилер.

Олар озъ жанларын аямадылар ва оъюмден де тартынмадылар.

¹² Шогъар гёре, гъей кёклер ва онда яшайгъанлар, сююнюп къалыгъыз!

Ерни ва денгизни гъалына адаршай, неге тюгюл иблис гъали онда гетди.

О гъали къазапланывдан толгъан, неге тюгюл болжалы аз къалгъанны биле.

¹³ Аждагъа озю дюньягъа ташлангъанын гёргенде, улангъаш тапгъан къатынны артындан чапды. ¹⁴ Къатын дангылда озю учун гъазирленген ерге учуп гетмеге болсун деп, огъар бирзалим къаракъушну эки къанаты берилди. Онда уьч йыл ярымны узагъында ону гъайы этилип туражакъ. Онда къатын аждагъадан къорулуп сакъланажакъ. ¹⁵ Сонг къатынны агъыздырып алып гетмек учун, аждагъаны авзундан озен болуп сув агъылды. ¹⁶ Амма ер къатынгъа кёмек этди. Ер авзун ачып, аждагъаны авзундан чыкъгъан озенни ютуп къойду. ¹⁷ Шо заман аждагъа къатынгъа бек къазапланды. О къатынны къалгъан яшларына къаршы дав этмеге гетди. Олар Аллагъны буйрукъларын кютюп, Исагъа гъалал къуллукъ эте эдилер. ¹⁸ Аждагъа денгиз ягъада токътады.

Денгизден чыкъгъан къыр жан

13 ¹ Мунда мен денгизден чыгып гелеген бир къыр жанны гёрдюм. Ону он моюзю, етти башы, моюзлерини уьстюнде он тажы бар эди, башларыны уьстюнде де капир атлар язылгъан эди. ² Мен гёрген къыр жан къыр мишикге ошай эди, тек ону аякълары аювнуки, авзу да арсланкъапланники йимик эди. Аждагъа бу къыр жангъа озюню гючюн, тахын ва уллу гъакимлигин берген эди. ³ Къыр жанны башында альгъакъда тийген бир оъюр яра бар эди. Гъали шо яра сав болгъан эди. Бютюн дюньяны адамлары, огъар тамашалыкъ этип, къыр жанны арты булан гетди. ⁴ Бу къыр жангъа озюню гючюн бергени учун, олар аждагъагъа сужда этдилер. Олар бу къыр жангъа да сужда эте эдилер ва:

– Бу кыр жангъа ошайгъан дагъы ким бар? Муну булан ким ябушуп болур? – деп сорай эдилер.

⁵Огъар октем ва капир сёзлер сёйлемеге ва кыркъ эки айны узагъында яманлыкъ этип турмагъа ёл кёюлду. ⁶Авзун ачып, о Аллагъа, Ону атына, О яшайгъан ерге, демек кёклерде яшайгъанлары барына да, капир затланы сёйлей эди. ⁷Огъар Аллагъны халкъы булан дав этип, ондан уст гелмеге ихтияр да берилди. Огъар гъар къавумну, гъар халкъны, гъар тюрлю тиллерде сёйлейгенлени ва гъар миллетни устюнде гъакимлик берилди. ⁸Ер юзюнде яшайгъан, дюнья яралгъанчадан берли кюрбан этилген Къозуну яшав китабында аты язылмагъан гъар инсан кыр жангъа сужда этежек.

⁹Къулагъы барлар эшитсинлер! ¹⁰Кимге есир болмагъа тарыкъ буса, о есир болур, кимге къылычдан оылмеге тарыкъ буса, о къылычдан ойлор. Аллагъны халкъындан буса чыдамлыкъ ва иман талап этиле.

Ерден чыкъгъан кыр жан

¹¹Сонг мен ерден чыгып гелеген башгъа бир кыр жанны гёрдюм. Ону къозуланыки йимик эки мююзю бар эди, оъзю буса аждагъа йимик сёйлей эди. ¹²О биринчи кыр жанны бары толу гъакимлиги булан ону атындан иш гёре эди. Дюньяны ва онда яшайгъан бары да адамланы о шо замангъа ойлор ярасы сав болгъан биринчи кыр жангъа сужда этмеге борчлу этди. ¹³О уллу мужжитатлар гёрсетди, гъатта бары да адамланы алдында кёкден ерге от тюшюрдю. ¹⁴Оъзюне кыр жанны атындан этме берилген мужжитатлар булан о дюньядагъы адамланы башларын алдата эди. О дюньяда яшайгъанлагъа къылычдан ойлор яра тийип сав болгъан биринчи кыр жанны келпетин этмеге буюрду. ¹⁵Бу экинчи кыр жан биревю кыр жангъа этилген келпетине сёйлеп болардай яшав гюч берди. Шо келпет оъзюне сужда этмегенлени барын да олтюртмеге буюрду. ¹⁶Экинчи кыр жан бары да адамланы – гиччилени ва уллуланы, байланы ва ярлыланы, къулланы ва азатланы – онг къолуна яда мангалайына мюгюр басып дамгъаламакъны талап этди. ¹⁷Шолай мюгюрю ёкъ гишиге энниден сонг бир затны да не сатмагъа, не сатып алмагъа ярамай эди. Мюгюрге кыр жанны аты яда ону атын белгилейген санав* язылгъан эди.

¹⁸Мунда гъакъыл герек. Гъакъылы бар гиши, гысап этип, кыр жанны санавун чыгъаражакъ. О да инсанны санаву – алты юз алтмыш алты.

* 13:17 Бырынгы заманларда гъарплар санавланы орнуна да къоллана болгъан. Гъарпланы санав маъналарын къошуп, адамны атына къыйышывлу гелеген санавну чыгъарма бола болгъан.

Къозу ва 144000 гиши

14 ¹Къарагъанда, мен Къозуну гёрдюм. О Сион тавну устюнде токътагъан эди. Ону булан бирге 144000 гиши де бар эди. Оланы мангалайларына Къозуну ва Ону Атасыны атлары язылгъан эди. ²Кёкден гелеген бир сес эшитдим. Шо сес бир вакътини ичинде бек агъагъан оъзенни, гючлю кёк кёкюревню ва согъулагъан къомузланы тавушуна ошай эди. ³144000 де гиши тахны алдында, дёрт жанлы затны ва тамазаланы алдында янгы йырны йырлай эди. Дюньядан къутгъарылгъан о 144000 адамдан башгъа дагъы бирев де бу йырны йырлап болмай эди. ⁴Олар къатынгишилер булан ювукълукъ этип, яшавун похламагъан, оъзлени таза сакълагъан адамлар эди. Олар Къозу къайда барса да, Ону арты булан барагъан адамлар эди. Олар инсанланы арасындан къутгъарылып, Аллагъа ва Къозугъа тюшюмню башлапгъы пайы йимик берилди. ⁵Оланы авзундан гъеч бир ялгъан сёз чыкъмагъан эди ва олар нарысталардай таза адамлар эди.

Уч малайикни хабарлары

⁶Сонг мен кёкню ортасында учагъан бирдагъы бир малайикни гёрдюм. О ер юзюнде яшайгъанлагъа – гъар миллетге, гъар къавумгъа, гъар тюрлю тиллерде сёйлейгенлеге ва гъар халкъгъа билдирмек учун, даимлик Сююнч Хабарны алып геле эди. ⁷Гючлю тавуш булан малайик:

– Аллагъдан къоркъугъуз ва Огъар макътав этигиз! Неге тюгюл де, Ону дуваныны сагъаты гелди. Кёк булан ерни, денгизлер булан сув булакъланы Яратгъангъа сужда этигиз, – деп айтды.

⁸Ону арты булан экинчи малайик гелди. О:

– Тюп болду, тюп болду уллу шагъар Бабил! Неге тюгюл де, о оъзюню пасатлыгъына бакъгъан якъдагъы Аллагъны ачувуну чагъырын бары халкъгъа ичме борчлу этди, – деп айтды.

⁹Экинчисини арты булан учюнчю малайик гелди. О гючлю тавуш булан булай айтды:

– Ким кыр жангъа ва ону келпетине сужда этсе, ким мангалайына яда къолуна ону мюгюрю басмагъа къойса, ¹⁰шо адам Аллагъны ачувуну пияласындан Ону къазапланывуну сув къошулмагъан чагъырындан ичежек. О сыйлы малайиклени ва Къозуну гёз алдында отну ва яллайгъан кюкюртюню ичинде азап чежежек. ¹¹Олар бар ерде гъар даим азап отуну тютюню чыгып туражакъ. Кыр жангъа ва огъар этилген келпетге сужда этегенлеге, ону аты язылгъан мюгюрню басдыргъанлагъа не гюндюз, не гече рагъатлыкъ болмажакъ.

¹²Аллагъны халкъы – Аллагъны буйрукъларын кютюп, Исагъа амин болгъанлар – чыдамлыкъ этмеге гереклер.

¹³ Сонг мен кёклерден булай сёзлени сёйлейген бир тавуш эшитдим:
– Яз: Раббизимге иманы булан оьлегенлер бу энниден сонг насип-
лилердир.

Аллагыны Ругьу булай дей:

– Дюр. Олар бары да кыйынлыкларындан рагьатланажакьлар.
Этген яхшы ишлери оланы арты булан юрюп туражакь.

Дюнья тюшюмюн кьайтарагьан заман

¹⁴ Мундан сонг бир акь булут гёрдюм. Булутну уьстюнде Инсанны
Уланына ошайгьан бирев олтургьан эди. Ону башында алтын таж, кьо-
лунда да итти оракь бар эди. ¹⁵ Сонг ибадатханадан бирдагы бир ма-
лайик чыгып, булутну уьстюнде Олтургьангьа гючлю тавуш булан:

– Орагьынгни йибер ва ормагьа башла, неге тюгюл оракьны зама-
ны гелди ва дюнья тюшюмюн кьайтармагьа заман етишди, – деп кьы-
чырды. ¹⁶ Шо заман булутну уьстюнде Олтургьан орагьын дюньягьа
ташлады ва дюнья тюшюмю кьайтарылды.

¹⁷ Сонг кёклердеги ибадатханадан кьолунда итти орагьы булангьы
бирдагы бир малайик чыкьды. ¹⁸ Сонг кьурбанлыкьны салагьан ерден
башгьа бир малайик чыкьды. Огьар отну гьакимлиги берилген эди. О
итти орагьы булангьы малайикге гючлю тавуш булан:

– Итти орагьынгни йибер ва дюнья юзюм бавундан юзюм сал-
кьынланы жый, неге тюгюл олар бишген, – деп айтды. ¹⁹ Малайик
орагьын дюньягьа ташлады. Юзюмню жыйып, Аллагыны кьзапланы-
вуну юзюм сыгьагьан уллу ерине элтип ташлады. ²⁰ Шагьарны ягьа-
сындагы юзюм сыгьагьан ерде юзюм тапталды. Ондан оьзендей бо-
луп кьан акьды. Шо кьан оьзенни узунлугьу уьч юз чакьырымгьа
ювукь, теренлиги де атны тизгинине гелеген кюйде эди.

Етти малайик ва етти балагь

15 ¹ Кёклерде башгьа бир уллу ва гьайран аламаньны – ахырынчы ет-
ти балагь булан етти малайикни гёрдюм. Ахырынчы дейгеним,
неге тюгюл шуну булан Аллагыны кьзапланыву бите эди. ² Отгьа кьо-
шулгьан шишадан болгьан денгиз йимик бир зат гёрдюм. Денгизни
уьстюнде кьыр жандан, ону келпетинден ва ону атын белгилейген са-
навандан уьст болгьанлар токтагьан эдилер. Оланы кьолларында Аллагь
берген кьомузлар бар эди. ³ Олар Аллагыны кьуллукьчусу Мусаны ва
Кьозуну йьрын йьрлай эдилер:

– Бары да затны Еси болгьан я Рабби Аллагь!

Сени ишлеринг уллудур ва гьайрандыр.

Гьей халкьланы Пачасы!

Сени ёлларынг адиллидир ва гьакьдыр.

⁴ Я Рабби! Сенден кьоркьмайгьан, Сени атынга макьтав
этмейген ким болур?

Неге тюгюл де, янгыз бир Сен сыйлысан.

Бютюн халкьлар Сагьа сужда этмеге гележеклер, неге тюгюл
Сени адилли ишлеринг ачыкь кюйде гёрюндю!

⁵ Сонг мен кьарап, кёклердеги шагьатлыкь этеген чатырны – кёклер-
деги ибадатхананы ачылгьанын гёрдюм. ⁶ Ибадатханадан етти балагьы да
булан етти малайик чыкьды. Олар таза, гёз кьамашдырагьан кетен опу-
ракьлар гийген ва кёкюреклерине алтын байлавлар байлагьан эди. ⁷ Дёрт
жанлы затны бири етти де малайикге гьар даим яшайгьан Аллагыны кьа-
запланывундан толгьан етти алтын савут берди. ⁸ Ибадатхананы ичи Ал-
лагьны макьтавлугьуну ва кьудратыны булутундан толду. Етти де балагь
битмей туруп, ибадатхананы ичине бирев де гирип болмады.

Аллагыны кьзапланыву булангьы етти савут

16 ¹ Ибадатханадан гючлю бир тавуш эшитилди. Бу тавуш етти ма-
лайикге:

– Барыгьыз, Аллагыны кьзапланыву булангьы етти савутну ичин-
деги затны ерге тёгююз, – деп айтды.

² Биринчи малайик барып, оьзюню савутуну ичиндеги затны ерге тёк-
дю. Шондан сонг кьыр жанны мюгьюрю басылып белгиленгенлеге ва
ону келпетине сужда этегенлеге бек авуртагьан яман жужукалар чыкьды.

³ Экинчи малайик оьзюню савутуну ичиндеги затны денгизге тёкдю
ва денгизни суву оьлюню кьаны йимик бир кьангьа айланып кьалды.
Денгизни ичиндеги бары да жанлы затлар оьлдю.

⁴ Уьчюнчю малайик оьзюню савутуну ичиндеги затны оьзенлеге ва сув
булакьлагьа тёкдю. Олар да шолай кьангьа айланып кьалды. ⁵⁻⁶ Сувлагьа
гьакимлик этеген малайик айтгьан булай сёзлени эшитдим:

– Гьей Гьакь ва Бар болгьан, Сыйлы, Сен адиллисен!

Неге тюгюл де, Сен гьакь дуван гесе эдинг.

Олар Аллагыны халкьыны ва пайхаммарланы кьанын тёкдю.

Олагьа лайыкьлы болагьан кюйде Сен де олагьа
ичмеге кьан бердинг.

⁷ Кьурбанлыкьны салагьан ерден булай бир тавуш эшитдим:

– Дюр, бары да затны Еси болгьан Раббизим Аллагь!

Сен адилли ва гьакь кюйде дуван этесен.

⁸ Дёртюнчю малайик оьзюню савутуну ичиндеги затны гюнешни уьс-
туне тёкдю. Гюнешге оьзюню артыкь яллаву булан инсанланы чиркит-
меге ихтияр берилди. ⁹ Уллу ялав оланы чиркитди ва олар балагьлагьа
гьакимлик этеген Аллагыны атына налат бердилер. Олар товба этмедилер
ва Ону атына макьтав этмедилер.

¹⁰Бешинчи малайик оьзюню савутуну ичиндеги затны кьыр жанны тахыны уьстюне тькдю ва кьыр жанны пачалыгы кьарангылыкьга батып кьалды. Инсанлар аврумакьлыкьдан тиллерин хапдылар. ¹¹Оьзлер тарыгьан аврувлары ва яралары учун олар кьеклердеги Аллагьга налат бердилер, амма этген ишлери саялы товба этмедилер.

¹²Алтынчы малайик оьзюню савутуну ичиндеги затны уллу Фират оьзенни уьстюне тькдю. Бу оьзендеги сув кьуруду ва Гюнтувущдан гелеген пачалагьа ёл ачылды. ¹³Сонг мен аждагьаны авзундан, кьыр жанны авзундан ва ялгьан пайхаммарны авзундан бакьалагьа ошайгьан уьч жин чыгып гелегенни гьрдюм. ¹⁴Олар бир тюрю алааматлар гьрсетип болагьан жинлер эди. Жинлер бары да затны Еси болгьан Аллагьны Уллу Гюнюнде ябушмагьа дюньяны бары да пачаларын жьймакь учун гетген эдилер.

¹⁵Иса булай айтды:

– Кьара чы, уручу ймик гелип кьаларман! Ялангьач чыгып биябур болмасын учун, айкь туруп, опуракьларын сакьлайгьанлар насиплилердир.

¹⁶Олар ягьудиче Армагедон деп айтылагьан ерге бары да пачаланы жьйдылар.

¹⁷Еттинчи малайик оьзюню савутуну ичиндеги затны гьавагьа тькдю. Ибадатханадагьы тахдан:

– Болма тарыкь зат болду! – деген гючлю тавуш эшитилди. ¹⁸Шо заман яшмынлар яшнады, кьеклер кьекюреди ва ерлер тербенди. Инсанлар яралгьанлы ер юзюнде булай гючлю ер тербенди бир заманда да болмагьандыр. ¹⁹Уллу шагьар ярылып, уьч гесек болду ва дюньяны улкелерини шагьарлары чькдю. Аллагь уллу Бабилни де унутмады. Аллагьны кьазапланывундан толгьан пияланы огьар да ичмеге тюшдю. ²⁰Бары да атавлар ёкь болду, тавлар да дагьы кьалмады. ²¹Кьеклерден таба инсанланы уьстюне гьариси кьыркь килолар гелеген кьеп уллу буз явду. Бу балагь учун инсанлар Аллагьга налат бердилер, неге тюгюл зор уллу балагь гелген эди.

Уллу кьагьба кьатын

17 ¹Кьолуна етти савутну тутгьан етти малайикни бири мени яныма гелип:

– Мунда гел, кьеп сувларда олтургьан уллу кьагьба кьатын нечик такьсырланажагьын гьрсетейим. ²Бу дюньяны пачалары ону булан зина пасатлыкь юрте эди. Бу дюньяда яшайгьанлар да ону зина пасатлыгьыны чагьырындан эсиргенче иче эди, – деп айтды.

³Мундан сонг малайик Аллагьны Ругьуну таьсиринден мени да-нгылгьа алып барды. Онда мен етти башлы, он мююзлю ва уьстюне

капир атлар язылгьан кьызыл кьыр жанны уьстюнде олтургьан бир кьатынгишини гьрдюм. ⁴Кьатын кьызыл ва авур кьызыл парча опуракьлар гийген, алтын, кьыйматлы ташлар, инжилер тагьып безенген эди. Кьолунда да жиргенч затлардан ва оьзю юрютген зинаны наслыгьындан толгьан бир алтын пияласы бар эди. ⁵Ону мангалайына «Уллу Бабил – дюньяны кьагьбаларыны ва бары да жиргенчиклерини анасы» деген бир сырлы маьнасы булангьы ат язылгьан эди. ⁶Кьатын Аллагьны халкьыны ва Исаны гьакьында шагьатлыкь этгенлени кьаны булан эсиргенни гьрюп, мен бек тамашалыкь этдим. ⁷Малайик магьа булай айтды:

– Сен негер тамаша боласан? Бу кьатынны ва о минип олтургьан етти башлы ва он мююзлю кьыр жанны сырын мен сагьа ачарман. ⁸Сен гьрген кьыр жан бир заманларда болгьан, гьали буса ёкь. Бираздан сонг о тьопсюз кьуюдан чыгьажакь ва даимге ёкь болажакь. Ер юзюнде яшайгьан ва дюнья яралгьандан берли оьзлени атлары яшав китабына язылмагьанлар, кьыр жанны гьргенде, тамаша болажакьлар. Неге тюгюл де, о бир заманларда болгьан, гьали буса ёкь, амма бирдагьы керен гележек.

⁹Мунда англав ва гьакьыл тарыкь. Етти баш – уьстюнде кьатын олтургьан етти тьбе. Бир вакьтини ичине олар етти пача да дюр. ¹⁰Олардан бешевю гьали ёкь, бири гьали де пачалыкь этип тура, башгьа бири гьали де гелип битмеген. Гелгенде де, о аз заман тюгюл кьалмажакь. ¹¹Бир заманларда болгьан, гьали буса ёкь кьыр жан сегизинчи пачадыр, еттини биридик. Бары да оьзгелери ймик, о да ёкь болажакь.

¹²Сен гьрген он мююз он пачадыр. Олар гьали де пача гьакимлигин алып битмегенлер, амма кьыр жан булан бирге бир сагьатгьа пача гьакимлигин алажакьлар. ¹³Оланы мурады бир: олар оьзлени гьакимлигин ва гючюн кьыр жангьа бережеклер. ¹⁴Олар Кьозугьа кьаршы ябушажакьлар, амма Кьозу олардан уьстюн гележек, неге тюгюл Кьозу раббилени де Раббисидир, пачаланы да Пачасыдыр. Ону булан бирче болгьанлар чакьырылгьанлардыр, танглалгьанлардыр ва Огьар амин болгьанлардыр.

¹⁵Малайик магьа дагьы да булай айтды:

– Кьагьба кьатын олтургьан ерде сен гьрген сувлар халкьланы, кьавумланы, гьар тюрю тиллерде сьйлейгенлени ва миллетлени белгисидир. ¹⁶Сен гьрген кьыр жан да, он мююз де бу кьагьба кьатынны гьрюп ярамайлар. Ону талап, ялангьач кьояжакьлар, этин ашап, отда яндыражакьлар. ¹⁷Аллагь о пачаланы юреклерине Оьзю сьйгенни этдирмек деген бир хьялы салды. Аллагьны сьзлери яшавгьа чыкьгьанча, олар оьзлени гьакимлигин кьыр жангьа бермеге рази болажакь. ¹⁸Сен гьрген кьатын дюньяны бары да пачаларыны уьстюнде гьакимлик этип турагьан уллу шагьардыр.

Уллу шагъар Бабилни тюп болуеу

18 ¹Мундан сонг кёкден тюшюп гелеген башгъа бир малайикни гёрдюм. Огъар уллу гъакимлик берилген эди ва дюнья ону макътавлугъу булан шавлалангъан эди. ²О гючлю тавуш булан кычырып булай айтды:

– Тюп болду, тюп болду уллу шагъар Бабил!

О гъар тюрлю жинлер, гъар тюрлю шайтанлар жыйылагъан ерге, гъар тюрлю мурдар къушланы, гъар тюрлю мурдар ва жиргенч гъайванланы уясына айланып битди.

³ Неге тююл де, бары да халкълар ону зиналыгъыны ва Аллагъны къзапланывуну чагъырындан ичди.

Дюньяны пачалары ону булан зиналыкъгъа тюшдюлер, савдюгерчилери де ону гъайбатлыгъы булан байлыкъ къзандылар.

⁴Кёкден бирдагъы башгъа тавуш эшитдим. О булай айтды:

– Гей Мени халкъым! Ону гонагъларына ортакъчы болмас учун, огъар жележек балагълагъа тюшмес учун, ондан чыгып тай!

⁵ Ону устюне тюшген гюнагълары кёкге етишди ва ону яманлыкъларын Аллагъ унутмады.

⁶ Огъар оъзю бергенге гёре беригиз, ишлерине гёре эки къабат къайтарышын этигиз, чагъыр береген пияласына эки керен артыкъ гючлю чагъырдан тегююз.

⁷ О оъзюне нечакъы гъайбатлыкъ ва макътавлукъ гелтирген буса, огъар шончакъы къайгъы ва азап гелтиригиз.

О: «Мен бир тул къатын тююлмен. Мен пача къатын йимик олтургъанман.

Мен бир заманда да пашманлыкъны гёрмесмен», – деп макътанды.

⁸ Шо саялы да ахыры бир гюн огъар гъар тюрлю балагълар етежек: оълум, авур агъ урувлар ва уллу ачлыкъ.

О отгъа салынып яллатылар, неге тююл огъар дуван этген Раббиз Аллагъ къудратлыдыр.

⁹Шагъар булан зина этип, ону байлыгъындан кеп чегип тургъан дюньяны пачалары о яллайгъан отну тютюнюн гёрген заманда, огъар яс этип йылажакълар. ¹⁰Ону азап чегегенинден къоркъмакълыкъдан йыракъдан туруп, булай айтажакълар:

«Адаршай, адаршай уллу шагъаргъа! Гючлю шагъар Бабил!

Бир сагъатны ичинде такъсырланып битдинг!»

¹¹Ер юзюню савдюгерчилери огъар яс этип йылайлар, неге тююл оланы малларын бирев де дагъы сатып алмай. ¹²Оланы алтынын,

гюмюшюн, къыйматлы ташларын ва инжилерин, юкъкъа кетен, йибек, авур къызыл ва къызыл парча къумачларын, багъалы агъачларын, пилни сюегинден, багъырдан, темирден ва мрамар ташдан этилген затларын, ¹³дарчинлерин, атирлерин, атирли балгъамларын ва майларын, чагъырларын, зайтун майын, унун ва будайын, туварларын ва къойларын, атларын ва арбаларын, къулларын, инсанланы жанларын дагъы бирев де сатып алмай. ¹⁴Олар: «Сени жанынг ушатагъан емишлеринг сени къолунгда дагъы ёкъ. Бары да байлыкъларынг ва макътавлугъунг къолунгдан чыкъды ва бир заманда да дагъы къайтып гелмежек», – деп айтажакълар. ¹⁵Бабил шагъар себепли болуп къазангъан савдюгерчилер, ону азап чегегенинден къоркъмакълыкъдан йыракъда токътажакълар. ¹⁶Олар булай йылап яс этежеклер:

«Адаршай, адаршай уллу шагъаргъа!

О юкъкъа кетенден, авур къызыл ва къызыл парча опуракъ гийген эди, алтын, къыйматлы ташлар ва инжилер булан безенген эди.

¹⁷ Бары да бу байлыкъ бир сагъатны ичинде ёкъ этилди!»

Гъар гемени еси, ёлчулар, денгизчилер ва денгизден къазанып яшайгъан гъар адам арекден туруп къаражакъ. ¹⁸О яллайгъан отну тютюнюн гёрген заманда: «Бу уллу шагъаргъа тенг гелеген шагъар дагъы бир заманда да болгъанмы экен?» – деп кычыражакълар. ¹⁹Башларына кюл де себип, олар булай йылап, яс этип кычыражакълар:

«Адаршай, адаршай уллу шагъаргъа!

Денгизде гемелери болгъанлар барысы да сени булан бай болдулар!

Бир сагъатны ичинде сен гьеч болдунг!

²⁰ Гей кёклер, Аллагъны халкъы, элчилер ва пайхаммарлар!

Ону башына къопгъан гьалдан сююнююз! Неге тююл де, сизге этген затлары саялы Аллагъ ону такъсырлагъан».

²¹Сонг гючлю бир малайик, уллу тирменташ чакъы бир ташны алып, ону денгизге ташлап йиберип, булай айтды:

– Бабилни де шолай гюч булан ташлажакъ ва дагъы бирев де ону гёрюп болмажакъ.

²² Йырлайгъанланы, къомуз согъагъанланы, балабан ва зурнай согъагъанланы сеслери сенде дагъы эшитилмежек, дагъы сенде санятчылар болмажакъ, айланагъан тирменташланы къавгъасы да сенде дагъы эшитилмежек.

²³ Сенде дагъы бир заманда да чыракъ ярыкъ гёрюнмежек, гиевно ва гелинни тавушларын дагъы бирев де эшитмежек.

Неге тююл де, сени савдюгерчилеринг дюньяны вазирлери эди; неге тююл де бары да халкъланы сени халмажчылыгъынг алдатды.

²⁴ Амма пайхаммарланы, Аллагьны халкъыны ва дюнъядагьы бары да оьлтюрюлгенлени къаны мунда табулду.

Кёклерде кёп халкъны къуваныву

19 ¹Мундан сонг мен кёклерде бир кёп халкъныки йимик гючлю та-
вушланы эшитдим. Олар булай къычыра эдилер:

– Макътав! Къутгъарылыв, макътав ва къудрат
Аллагьыбызникидир!

² Ону дуванлары гъакъдыр ва адиллидир.
Зинасы булан дюнъяны пасат ёлгъа салгъан къагъба къатынны
такъсырлады.

Аллагъ Оьзюню къуллукъчуларыны къаны учун ондан оьч алды.

³ Олар бирдагъы керен булай къычырдылар:

– Макътав! Ону азап отуну тютюню оьрге гётериле ва гъар
даим гётерилип туражакъ.

⁴ Йигирма дёрт тамаза ва дёрт жанлы зат, баш уруп тахыны устьюн-
де олтургъан Аллагъгъа сужда этип:

– Амин! Макътав! – деп къычырдылар.

⁵ Тахдан булай тавуш эшитилди:

– Гьей Аллагьны бары да къуллукъчулары, Ондан
къоркъагъанлар – гиччилер ва уллулар!

Аллагьыбызгъа макътав этигиз!

⁶ Мундан сонг мен гюп болгъан халкъны оькюрювюдей, неде шар-
шарны къавгъасыдай, неде гючлю кёк кёкюрювлени авазыдай бир зат-
ны булай дегенин эшитдим:

– Макътав! Бары да затны Еси болгъан Раббиз гъакимлик
эте тура!

⁷ Сююнейик, шат болайыкъ! Огъар макътавлукъ этейик!
Къозуну той сагъаты етишди. Ону гелешмиши гъазир болду.

⁸ Гиймек учун огъар юккъба, ачыкъ тюсю ва таза кетен
опуракъ берилди.

Бу кетен Аллагьны халкъыны муьмин ишлерини белгисидир.

⁹ Шо заман малайик магъа:

– Яз: Къозуну тоюна чакъырылгъанлар насиплилердир! – деп айтды.

– Бу Аллагьны гъакъ сёзлеридир, – деп де къошду.

¹⁰ Шо заман огъар сужда этмеге деп, аякъларыны алдында баш урдум.

О буса магъа:

– Шолай этме! Сен де, Исагъа гъалал къуллукъ этеген иман кърдаш-
ларынг да йимик, мен де Аллагьны бир къуллукъчусуман. Аллагъгъа
сужда эт! Аллагьны атындан сёйлемекни мурады Исаны гъакъында
шагъатлыкъ этмекдир, – деп айтды.

Акъ атгъа минген атлы

¹¹ Мен ачылгъан кёклени ва акъ атны гёрдюм. Атгъа минген атлыгъа
Амин ва Гъакъ деп айтыла эди. Нега тьюгол де, О адилли кюйде дуван эте
ва дав юрюте эди. ¹² Ону гёзлери янагъан от йимик эди, башында да кёп
тажлары бар эди. Ону устьюне Оьзюнден башгъа бирев де билмейген ат
язылгъан эди. ¹³ О къангъа батгъан аба гийген эди ва Огъар «Аллагьны
Каламы» деген ат берилген эди. ¹⁴ Ону арты булан акъ атлагъа да минип,
устьюне юккъба, таза акъ кетен опуракълар да гийген кёклени асгерле-
ри геле эди. ¹⁵ Халкъланы къырмакъ учун, Ону авзундан чыкыгъан итти
бир къылычы бар эди. О олагъа къатты низам салып гъакимлик этежек.
Бары да затны Еси болгъан Аллагьны бек гючлю къазапланывуну юзюм
сыгъагъан еринде чагъыр сыгъажакъ. ¹⁶ Ону абасына ва къабургъасына
«Пачаланы Пачасы ва раббилени Раббиси» деп язылгъан эди.

¹⁷ Гюнешде токътагъан малайикни де гёрдюм. О кёкде учагъан бары
да къушлагъа гючлю тавуш булан:

– Гелигиз! Аллагъ къургъан уллу тепсиге жыйылыгъыз. ¹⁸ Пачаланы,
асгербашларыны ва асгерлени, атланы ва атлыланы, бары да адамланы –
къулланы ва азатланы, гиччилени ва уллуланы этин ашажакъсыз, –
деп къычырды.

¹⁹ Сонг мен къыр жанны ва асгерлери де булан дюнъяны пачаларын
гёрдюм. Олар атгъа Мингенге ва Ону асгерине кършы дав этмек учун
жыйылгъан эдилер. ²⁰ Къыр жан ва ону булан бирге ялгъан пайхаммар
есир этилип тутулду. Бу ялгъан пайхаммар къыр жанны атындан ала-
матлар гёрсетген эди. Къыр жанны мюгьюрю басылып, ону келпетине
сужда этгенлени ялгъан пайхаммар шо аламатлар булан алдатып тур-
ду. Оланы экевю де кюкюрт яллайгъан кёлге савлайын ташландылар.

²¹ Къалгъанлары буса атгъа Мингенни авзундан чыгъагъан къылыч бу-
лан оьлтюрюлду ва бары да къушлар оланы этин ашап тойдулар.

Минг йыл

20 ¹ Сонг мен кёкден тьюшюп гелеген бир малайикни гёрдюм. Ону къо-
лунда тьюпсюз къуюну ачгъычы ва бир уллу шынжыры бар эди. ² О
жинлени башчысы, демек иблис болгъан аждагъаны – бырынгъы йьланны
тутду ва минг йылгъа бугъавлады. ³ Малайик ону тьюпсюз къуюгъа ташлады.
Минг йыл битгинче, о халкъланы дагъы алдатып болмасын деп, бегитип,
устьюне мюгьюр басды. Шондан сонг о бир аз замангъа эркин этилежек.

⁴ Мен тахланы гёрдюм. Оларда олтургъанлагъа дуван этме ихтияр бе-
рилген эди. Исаны гъакъында ва Аллагьны каламыны гъакъында ша-
гъатлыкъ этгени учун башлары гесилгенлени ругъларын гёрдюм. Олар
не къыр жангъа, не ону келпетине сужда этмей эдилер, мангалайына

яда кьолуна ону мюгьюрюн басма кьоймай эдилер. Олар янгьдан тирилип, Месигь булан бирликде минг йыл гьакимлик этдилер. ⁵Бу биринчи тирилив эди. Оьлюлени кьалгьанлары минг йыл оьтмей туруп тириледи. ⁶Биринчи тириливню вакьтисинде яшав алгьанлар насиплидир ва сыйлыдыр. Экинчи оьлюмню оланы уьстюнде гьеч бир кьудраты ёкьдур. Олар Аллагьны ва Месигьни дин кьуллукьчулары болажакь ва Ону булан бирликде минг йыл гьакимлик этежеклер.

Иблисни ахьры

⁷Минг йыл оьтгенден сонг, иблис оьзюню зинданындан чыгьарылажакь. ⁸Бары да халкьланы давгьа жыймакь учун, о дюньяны дёрт де ягьындагьы, демек Яьжуж ва Маьжуж деген ерлердегилени дагьы да алдатмагьа гетежек. О денгиз ягдадагьы кьайыр бюртюклени санавудай чакьы халкьны жыяжакь. ⁹Олар ер юзюнде яйылажакьлар ва Аллагьны халкьны яшайгьан ерин – Ону сююмлю шагьарын кьуршап алажакьлар. Амма бу заманда кёкден от тюшюп, оланы барын да яллатажакь. ¹⁰Оланы алдатгьан иблис буса кюкюрт яллайгьан кёлге ташланажакь. Шондан алда кьыр жан ва ялгьан пайхаммар да шонда ташлангьан эдилер. Шонда олар гечеси-гюню булан гьар даим азап чегип туражакьлар.

Оьлюлеге дуван этилген

¹¹Сонг уллу бир акь тахны ва ону уьстюнде Олтургьанны гёрдюм. Ону бети гёрюнгенде, ер ва кёк кьачып гетдилер. Гьали оланы тапма да болмай эди. ¹²Мен тахны алдында токьтагьан гиччи ва уллу оьлюлени гёрдюм. Китаплар ачылгьан эди ва бирдагьы бир китап – яшав китабы – ачылгьан эди. Оьлюлеге, китапларда язылгьан затлагьа асасланып, гьар кимге оьзю этген ишлеге гёре дуван этиле эди. ¹³Денгиз оьзюню ичиндеги оьлюлени, оьлюм ва ахьрат оьзлерде бар оьлюлени чыгьардылар. Гьар кимге этген ишлерине гёре дуван этиле эди. ¹⁴Сонг оьлюм ва ахьрат яллайгьан кёлге ташланды. Яллайгьан кёл экинчи оьлюмдюр. ¹⁵Яшав китабында оьзлени аты язылмагьанлар яллайгьан кёлге ташландылар.

Янгы Ерусалим

21 ¹Мундан сонг мен бир янгы кёкню ва янгы ерни гёрдюм. Алдынгьы кёк ва алдынгьы ер тайып битдилер, денгиз де ёкь эди. ²Мен кёклерден – Аллагьны янындан сыйлы шагьар болгьан янгы Ерусалимни гелегенин гёрдюм. О гелешмиши учун безендирилип онгарылгьан бир гелин йимик эди. ³Тахдан гючлю бир тавуш эшитдим:

– Кьара чы! Аллагьны чатыры гьали инсанланы арасында. Олар Ону халкьы болажакь, Оьзю Аллагь да олар булан болажакь ва олагьа Аллагь болажакь. ⁴О оланы гёзлериндеги гьар гёзьяшны сибирип тайдыражакь.

Не оьлюм, не йьлав, не яс, не аврув болмажакь, неге тьогюл алдынгьы затлар тайып битди.

⁵Тахда Олтургьан:

– Кьара чы! Мен бары да затны янгьртаман! Яз, бу герти ва гьакь сёзлер, – деп айтды. ⁶Сонг О магьа булай айтды:

– Болма тарыкь зат болду! Алфа ва Омега, Башы ва Ахьры Менмен. Сувсаплыкьдан янагьанлагьа Мен яшав береген булагьындан гьавайын сув бережекмен. ⁷Уьстюн гелгенлер буланы барысын да варис пай йимик алажакьлар. Мен оланы Аллагьы болажакьман, олар да Мени авлетлерим болажакь. ⁸Амма кьоркьачлар, имансызлар, нажжаслар, оьлтюрювчюлер, зиначылар, халмажчылыкь булан машгьул болагьанлар бары да, ялгьан аллагьлагьа кьуллукь этегенлер ва бары да ялгьанчылар ичинде кюкюрт янагьан кёлге ташланажакьлар. Оланы ери шондадыр. Бу экинчи оьлюмдюр.

⁹Сонг ичи етти балагьдан толгьан етти савуту булангьы малайиклени бири мени яныма гелди де:

– Гел! Мен сагьа Кьозугьа гелген гелинни – Ону кьатынын гёрсетекмен, – деп айтды. ¹⁰Аллагьны Ругьуну гьайран кьудратын сезген мени малайик бир уллу ва бийик тавну уьстюне алып гелди. О магьа кёклерден – Аллагьны янындан сыйлы шагьар болгьан Ерусалимни тюшюп гелегенин гёрсетди. ¹¹О Аллагьны сыйлы нюрю булан кьувлуй эди. Ону кьувлуйгьаны кьыйматлы ташны, ачыкь ешим ташны кьувлуйгьанына ошай эди. ¹²Шагьарны уллу ва бийик барусу, он эки кьапусу, оланы алдында да он эки малайик бар эди. Кьапуланы уьстюне Исрайылыны он эки кьавумуну атлары язылгьан эди. ¹³Гюнтувушдан уьч кьапу, темиркьазыкьдан уьч кьапу, кьыбладан уьч кьапу, гюнбатышдан да уьч кьапу бар эди. ¹⁴Шагьарны барусу он эки кюрчюню уьстюнде токьтагьан эди. Оланы уьстюнде де Кьозуну он эки де элчисини атлары язылгьан эди.

¹⁵Мени булан сёйлейген малайикни кьолунда, шагьарны, ону кьапулары ва барусун оьлчемек учун, алтындан бир шазыны бар эди. ¹⁶Шагьар дёртмююшно гёлеминде эди. Ону узунлугьу да, генлиги де тенг эди. Малайик шагьарны шазын булан оьлчеди. Шагьарны узунлугьу 2400 чакьырым, ону генлиги ва бийиклиги узунлугьуна тенг эди. ¹⁷Малайик инсанлар оьлчейген оьлчев булан пайдалангьанда, шагьарны барусуну бийиклиги алтмыш алты метр бар эди. ¹⁸Бару ешим ташдан, шагьар оьзю буса шиша йимик ачыкь таза алтындан ишленген эди. ¹⁹Шагьарны баруларыны кюрчюлери гьар тюрю кьыйматлы ташлар булан безендирилген эди: биринчи кюрчу ешим таш булан безендирилген эди, экинчиси – гёк якьут, уьчюнчюсю – агьат, дёртюнчюсю – зумрут, ²⁰бешинчиси – оникс, алтынчысы – кьызыл якьут, еттинчиси – хризолит, сегизинчиси – гёк зумрут, тогьузунчусу – сари алмас, онунчусу – хризопраз, он

биринчиси — гиацинт, он экинчиси аметист булан безендирилген эди.
²¹ Он эки де къапу он эки инжи, демек гьар къапу айры инжиден этилген эди. Шагьарны орамы да шиша йимик ачыкъ таза алтындан эди.

²² Шагьарда мен ибадатхананы гөрмедим, неге тюгюл бары да затны Еси болгъан Раббиз Аллагъ ва Къозу шагьарны ибадатханасыдыр.
²³ Ярыкъ болмакъ учун, шагьарны не гюнге, неде айгъа гъажатлы ери ёкъ эди, неге тюгюл де ону Аллагъны сыйлы нюрю ярыкъландырды. Къозу да ону ярыкъ береген алаты эди.
²⁴ Халкълар ону ярыгъында яшажакълар ва дюньядагъы пачалар оьзлени байлыкъларын ону ичине гелтирежеклер.
²⁵ Гюндюзлер шагьарны къапулары гъеч бегитилмежек, онда буса гечелер болмажакъ.
²⁶ Бары да халкълар оьзлени байлыкъларын ва инг сыйлы затларын онда гелтирежеклер.
²⁷ Мурдар болгъан гъеч бир зат, жиргенч яда ялгъан ишлер этген гъеч бирев онда гирмежек. Онда янгыз Къозуну яшав китабына атлары язылгъанлар гирежеклер.

Яшав береген суву булангъы оьзен

22 ¹⁻² Сонг малайик магъа яшав береген суву булангъы оьзенни гёрсетди. О таза шишадай лансыллай эди. Шо оьзен Аллагъны ва Къозуну тахыны тюбюнден баш алып, аслу орамны ортасы булан агъа эди. Оьзенни эки де янын бойлап, даимлик яшав береген терек оьсе эди. О йылда он эки керен — гьар айда емиш бере эди. Терекни япыракълары буса халкъланы сав этмек учун пайдаландырыла эди.
³ Шагьарда гъеч бир налатлы зат болмажакъ. Аллагъны ва Къозуну тахы шагьарны ичинде болажакъ ва Ону къуллукъчулары Огъар къуллукъ этежек.
⁴ Олар Ону юзюн гёрюп туражакълар ва Ону аты оланы мангалайларына язылажакъ.
⁵ Мунда дагъы гечелер болмажакъ. Чыракъланы яда гюнешни ярыгъы олагъа дагъы тарыкъ болмажакъ, неге тюгюл Раббиз Аллагъ олагъа нюр бережек. Олар гьар даим де гъакимлик этип туражакълар.

⁶ Малайик магъа булай айтды:

— Бу сёзлер герти ва гъакъ сёзлердир. Пайхаммарлагъа Оьзюню Ругун береген Раббиз Аллагъ ювукъ заманда болмагъа герекли затланы къуллукъчуларына гёрсетмек учун, малайигин йиберди.

Исаны къайтып геливю

⁷ Иса:

— Къара чы, Мен тез гележекмен! Бу китапда язылгъан пайхаммарлыкъ сёзлени кютеген насиплидир! — деп айтды.

⁸ Мен, Югъан, буланы барын да гёрдюм ва эшитдим. Буланы барын да гёргенден ва эшитгенден сонг, магъа буланы гёрсетген малайикге сужда этсин деп, ону аякъларыны алдында баш урдум.
⁹ Малайик буса магъа:

— Вёре, шолой этме! Мен де, сени йимик, пайхаммар кьардашларынг ва бу китапда язылгъан сёзлени кютегенлени барысы да йимик, Аллагъны бир къуллукъчусуман. Аллагъгъа сужда эт! — деп айтды.

¹⁰ Сонг о булай айтды:

— Бу китапны пайхаммарлыкъ сёзлерин мюгьюрлеме. Аз заман тюгюл къалмагъан.
¹¹ Яманлыкъ этеген гиши шо яманлыкъын этип турсун. Мурдар болгъан мурдар кююнде къалсын. Муъмин ёлда яшайгъан муъмин кюйде яшап турсун. Юрегинде Аллагъ булан яшайгъан адам шо кюйде яшап турсун.

¹² Иса: — Къара чы, Мен тез гележекмен! Мен оьзюм булан савгъатлар ва такъсырлавлар алып гележекмен ва гьар кимге этген ишине гёре тийишлисин бережекмен.
¹³ Алфа ва Омега, Биринчи ва Ахырынчы, Башы ва Ахыры Менмен.

¹⁴ Яшав береген терегини емишинден ашамагъа ва шагьаргъа къапулардан таба гирмеге ихтияр алмакъ учун опуракъларын жувагъанлар насиплилдир.
¹⁵ Итлер, халмаж этегенлер, зиначылар, оьлтюрювчюлер, ялгъан аллагълагъа къуллукъ этегенлер, ялгъанны сюегенлер ва ону чыгъарагъанлар къырда къалагъанлардыр.

¹⁶ Мен, Иса, Магъа иман салгъанланы жыйынлары учун сизге бу затланы гъакъында шагъатлыкъ этсин деп, Оьзюню малайигимни йибердим. Давутну тамуру, Ону наслусу Менмен. Ярыкъ тангчолпан Менмен, — деп айтды.

¹⁷ Аллагъны Ругъу ва гелин: «Гел!» — деп айталап. Гьар эшитеген де: «Гел!» — деп айтсын. Сувсапгъа янагъанлар гелсинлер. Бары да сюегенлер яшав береген сувун гъавайын алсынлар.

¹⁸ Бу китапны пайхаммарлыкъ сёзлерин эшитгенлени барына да бувараман: бу сёзлеге гъеч зат къошгъан гишиге бу китапда англатгъан балагъланы Аллагъ да къошар.
¹⁹ Эгер ким буса да бирев бу пайхаммарлыкъ китапдан гъеч бир затны тайдырса, Аллагъ да бу китапда англатгъан яшав береген терегини емишин ашамакъдан ва сыйлы шагьаргъа гирмекден ону магърюм къояр.

²⁰ Буланы барына да Шагъатлыкъ этеген:

— Дюр, Мен ювукъда гележекмен, — дей.

Амин! Гел, я Рабби Иса!

²¹ Раббиз Исаны рагъмусу сизин барыгъыз да булан болсун.